

Il Cristal da Pro Infirmis 2014

Preschentar ART ad in vast public

■ (cp) La surdada dal Cristal da Pro Infirmis Grischun duai esser in impuls e motivaziun per artistas ed artists cun u senza in impediment da daventar creativs. En il rom d'ina concorrenza duain objects d'art vegnir premiads ed ils artists vegnir motivads e promovids en lur lavur. Autorisads da sa participar èn persunas singulas e teams en il chantun Grischun. Il Cristal da Pro Infirmis da quest onn porscha ad artistas ed artists ina plattafurma ed ina schanza da render enconuschent lur ovras. Objects d'art cun in rapport avert cun il tema «Nus n'ans laschain betg impedir» vegnan tschertgads. L'expressiun artistica stat en il focus. Ils objects d'art duain irritar, dasdar, sensibilisar u simplamain animar da ponderar. Ins po inoltrar sculpturas, plasticas, dissegns, picturas, temperas, maletgs, fotos u objects realisads da maniera sumeglianta. Ils objects d'art inoltrads vegnan giuditgads e preseleziunads d'ina giuria independenta. La valitaziun vegn fatga d'ina giuria e dal public. Criteris da valitaziun èn en emprima lingua la creatividad, l'expressividad ed il rapport cun il tema «Nus n'ans la-



Premi Cristal da la Pro Infirmis.

MAD

schain betg impedir». La summa dal premi totala munta a 3000 francs.

Persunas u teams cun domicil en il Grischun pon sa participar a la concorrenza d'art. Ina giuria che sa cumpona da personalitads da l'economia, da la politica, d'artists e d'organisasiuns professiunalas valitescha e premiescha las ovras.

Sper la summa dal premi survegn la victura u il victur ina stima simbolica en furma dal Cristal ambulat da Pro Infirmis. En pli vegnan ils objects dals victurs exponids per in temp limità ad in lieu central sunter la surdada, ils 22 d'avust 2014. Ils objects èn d'inoltrar l'emna dals 20 d'october 2014.